

DISPUTATIO
QUÆSTIONUM POLITICARUM
TERTIA,

De
MAGISTRATU,

Quam
Juvante Altissimo,

In

Illustri Academia Wittebergensi,

PRAESIDE

CLARISSIMO ET DOCTISSIMO

VIRO

DN. M. VALENTINO KINLENIO,
Prausnicense Silesio, Amplifs. Facult. Philosoph. Witte-
bergensis Adjuncto dignissimo, Fautore & Praeceptore
suo ztatem colendo.

Publicè defendet

CHRISTOPHORUS Elchhorn
Gura-Silesius

Addiẽm 15. Augusti horis à 7. mat.

In Auditorio Majori.

WITTEBERGÆ,

Typis JOHANNIS HAKEN.

ANNO CH D C XXVIII.

UNIVERSITY OF CHICAGO
LIBRARY

MAGISTRAL

Journal of the

Magistrate

of the City of New York

1811

Vol. 1

1811

NEW YORK

Printed by J. M. WATKINS, at the

Office of the Magistrate, No. 10, NASSAU ST.

NEW YORK

1811

Published by J. M. WATKINS, at the

Office of the Magistrate, No. 10, NASSAU ST.

NEW YORK

1811

Printed by J. M. WATKINS, at the

Office of the Magistrate, No. 10, NASSAU ST.

NEW YORK



QVAESTIO. I.

An Magistratus possit bella gerere :

Quod non, probāt *Anabaptistæ* his argumentis. *Quic-*
quid competit brutis, illud non competit hominibus. Atqui bella
gerere competit brutis. Ergo non hominibus. 2. Quicquid causat
injustas cades, & prædas, illud Magistratui non est licitum. Atqui
bellum causat injustas cades, & prædas. Ergo bellum Magistratui non est li-
citum. 3. Quorum arma sunt spiritualia, illorum non sunt carnalia sive cor-
poralia. Sed verum est antecedens de Magistratu Christiano. Ergo & con-
sequens. Verum Magistratum posse bella gerere duabus probatum
damus rationibus, quarum prima desumitur I. Ab officio Magistra-
tus. Cui cura & defensio subditorum est injuncta, illi licet bellagerere. At-
qui Magistratus cura & defensio subditorum est injuncta, Ergo Magistratui bella
licet gerere. 2. Afine. Bellum est pacis & concordie acquisitio & pro-
pagatio, discordie & turbarum sedatio. Hæc autem non solum,
sunt licita, sed etiam necessaria & utilia Ergo & illud, bellum scili-
cet erit licitum & necessarium. Ad primum argumentum Adversa-
riorum Resp. 1. Indirectè & per instantiam: Quicquid competit brutis, il-
lud non competit hominibus. Atqui sibi simile gignere competit brutis. Ergo
non hominibus. Conclusio est absurda. Ergo vel Major vel Minor. At
non Minor. Ergo Major. 2. directè & per limitationem: Quicquid com-
petit brutis tantum, illud non competit hominibus. At sic limitata
Majore propositione cadit minor. Non enim brutis tantum com-
petit bella gerere, sed etiam Magistratui. Quia & hic suos habet ho-
stes, quibus armis & bello resistat necesse est, si cum subditis in pace
vivere velit. Quapropter in Minore committitur *Fallacia petitionis*
principij. Ad secundum argumentum Resp. 1. per limitationem: Quic-
quid causat injustas cades & prædas per se, illud Magistratui non est

licitum. At sic negatur Minor. Non enim *per se* bellum causat iniustas cædes & prædas sed tantum *per accidens*. Committitur ergo in Minore fallacia accidentis, 2. per distinctionem. Distinguendum namque est inter ipsum bellum & belli abusum. Hic quidem causat iniustas cædes & prædas: at secus ipsum bellum. Ad tertium argumentum Resp. per limitationem: Quorum arma sunt spiritualia tantum, illorum arma non sunt corporalia. At sic negatur Minor. Laborat ergo Minor fallacia petitionis principij. Taceo, quod nulla sequela huic argumento insit. Perinde enim est ac si ita argumentarer: Quorum studia sunt spiritualia, illorum studia non sunt corporalia. Atqui piorum studia sunt spiritualia. Quippe versantur circa sacra, legunt biblia, audiunt verbum Dei. Ergo piorum studia non sunt corporalia, ut pote agere mercatorem, pannificem & id genus alia. Committitur itaque Elenchus oppositorum.

QUÆSTIO. II.

An libri hæreticorum à Magistratu comburi queant?

Hic non est in quæstione, an Magistratus habeat jus in manifestè blasphemos & impios hæreticorum libros ita, ut eos abolere & comburere possit. Hoc enim non negamus, sed potius, si necessitas postulat, affirmamus & Magistratum adhortamur, ut tales manifestè impios libros hæreticorum, quales sunt notoriè blasphemi, magici, & famosi, è medio tollat, & igni tradat. Sed hoc quæritur, an Magistratus quosvis hæreticorum libros sine ullo discrimine, etiam si nō sint manifestè impij & blasphemi, ut sunt libri eruditi, de religione ex verbo Dei, licet non rectè satis intellecto, differentes, & literatis præsertim eripere, abolere, & cremare queat. Hoc modo propositam quæstionem negamus, propterea, quod nullum Sacris in literis mandatū extet, ut sine discrimine quævis hæreticorum scripta crementur. Addimus & illud, quod Christus & Apostoli Pharisæorum, Sæducæorum, Essæorum scripta lectoribus non eripuerint, & igni tradiderint. Pontificij affirmant. Cum autem probatio incumbat affirmantibus, ideoque rationes quibus hanc quæstionem probatam dare allaborant, audiemus & solvemus. Duas solent Pontificij in medium adducere rationes, quarum primam sumunt, A more gentium, qui libros suæ religione contrarios combusserunt.

Hic

Hinc tale argumentum formant: *Quod gentiles fecerunt, illud Magistratui est licitum. Atqui gentiles combusserunt libros suae religioni contrarios. Ergo etiam Magistratui est licitum.* Secundam rationem sumunt à vitatone librorum hæreticorum. Hinc colligunt: *Quod est vitandum, illud est cremandum. Atqui libri hæreticorum sunt vitandi, Ergo libri hæretici sunt cremandi.* Ad prius argumentum Resp. 1. *Indirectè & per instantiam: Quod gentiles fecerunt, illud Magistratui Christiano est licitum. Atqui gentiles adorant cælum, lunam, solem &c. Ergo illud licitum est Magistratui Christiano.* Conclusio est absurda. Quippe Scripturæ contraria, quæ docet, solum Deum esse adorandum. Matt. 4. Ergo quia non Minor, Major absurda 2. *directè & per limitationem: Quod gentiles fecerunt, secundum præscriptum legis naturæ sive rectæ rationis, illud Magistratui Christiano est licitum.* At sic limitata maiore propositione negatur Minor, 3. *per distinctionem.* Distinguendū namque est inter facta verbo Dei conformia & inconformia. Illa sunt imitanda: hæc non item. At præsens factum Ethnicorum de combustione librorum hæreticorum quod verbo Dei sit conforme, quomodo probabunt Papicolas? Denique & 4. resp. *per fallacia demonstrationem* Committitur enim in hoc argumento fallacia consequentis. Quippe non sequitur: *Gentiles combusserunt libros suae religioni contrarios. Ergo idem licitum est Magistratui Christiano.* Aliàs sequeretur ipsos gentiles etiam rectè fecisse, si biblia cremassent, quod absurdum absurdorum absurdissimum. Ad posterius argumentum Resp. 1. *Indirectè & per instantiam. Quod est vitandum, illud est cremandum. Atqui Diabolus est vitandus. Ergo Diabolus est cremandus.* Conclusio est absurda. Ergo vel Maior vel Minor. At non Minor. Ergo Major. 2. *directè & per limitationem: Quicquid est vitandum simpliciter, illud est cremandum.* At hæreticorum libros esse simpliciter vitandos, negatur. 3. *per distinctionem.* Distinguendum enim est inter liberorum hereticorum vitatorem totalem & partialem. Hanc concedimus, illam negamus. 2. Inter libros hæreticorum manifestè impios, & eruditos. Illi sunt vitandi simpliciter, hi vero secundum quid. 4. *per fallacia demonstrationem.* Committitur enim in hoc ultimo argumento 1. fallacia æquivocationis. Nam vitare aliquid duplex est, absolutè & limitatè. Major loquitur de vitatone absolutâ, Minor de limitatâ. Sunt igitur quatuor termini 2. fallacia à dicto secundum quid ad dictum simpliciter. Non

enim simpliciter libri hæreticorum sunt vitandi, sed tantum secundum quid, si nimis frequenter, & non animo omnia probandi, neque bonum eligendi, neq; hæreses cognoscendi, & hæreticos convertendi liguntur. 3. fallacia causa, dum sola vitatio librorum hæreticorum causa combustionis statuitur. 4. fallacia consequentis. Quippe sequela putida. Frequens & nimis curiosa lectio librorum hæreticorum est vitanda. Ergo libri hæretici totaliter sunt comburendi. Quasi verò libros hæreticorum non possemus vitare, etiamsi in rerum natura relinquerentur. Taceo quod omne id, quod fugiendum, necessario existat, E. G. Serpens est vitandus. Cur. Quia est animal noxium & pestiferum. Hoc si vitari debeat, in rerum naturâ existat necesse est. Alias si non existeret, vitandum non esset, neq; vitari posset. Probo. Quia non Entis nullo modo existentis nullæ sunt devitationes.

QUÆSTIO III.

An Magistratus in Repub. Christiana nulla ratione ferre possit saltationes?

Negativa placet Calvinianis propterea, quia 1. saltationes trahunt originem ab Ethnicis 2. sunt plenæ impietatis 3. sunt Diaboli retia 4. scandalum præbent spectantibus. 5. sunt libidinosi animi argumentum 6. extremum afferunt saltantibus periculum. Sed nobis affirmatio arridet. Nam 1. per se sunt res indifferens 2. quia Scriptura earum meminit, & non improbat ut Eccl 3, 4. 3. quia faciunt ad virium tam corporis, quam animi recreationem & conservationem. Ad rationem primam Adversariorum Resp. eam non esse simpliciter, & universaliter veram: quia patitur instantiam. Subsumere enim possum de Philosophiæ studio hoc modo: Quicquid trahit originem ab Ethnicis, id in Repub. Christiana non est ferendum. Atque Philosophiæ studium trahit originem ab Ethnicis. Ergo Philosophiæ studium non est ferendum in Repub. Christiana. Absurdum. Ac proinde limidantia erit. Quicquid trahit originem ab Ethnicis, ut Ethn. illud non est in Repub. Christiana ferendum. At sic limitatâ majore propositione libet minor. Nam saltationes ab Ethnicis ut Ethn. u. originem trahunt, quâ ratione firmâ Calvinianis probabunt? Quapropter in Mōre committitur fallacia petitionis principij. Ad secundam Rati. respond. distinguend. inter ipsas saltationes, & saltationum abusum. It. quidam plene im-

impietatis est; at secus *ipsæ saltationes*. At has vocare impias, easque plane tollere propter earum abusum; annon in sani est? Nihilominus sic se defendere conantur Calviniani. Si Patres pii, aliqui viri docti propter abusum ipsas saltationes damnarunt, sequitur idem, nobis faciendum esse. Quare? quia illi pie fecerunt quod ex eo palam est, quia hac in re omnes consentiunt. At verum prius. Ergo & posterius At *respon.* ad Maiorem, concedendo quidem, facta Patrum pia imitanda esse: at negando præsens tale esse. Probatio quidem à communi consensu delumpta, assertur: at ea nullius est momenti. Nam non sequitur: plures in hac re consentiunt. Ergo rectè consentiunt. Potest siquidem fieri, ut omnes errent. Assumptionem quod spectat, admodum vereor, ut ea vera sit. Nam quod abusum saltationum Patres illi vituperarint, facile credo, & concedo. At quod propter abusum ipsas saltationes reiecerint, incredibile mihi videtur. Probo. Viri enim isti docti & sapientes fuere. Qui ergo tam stultam opinionem fovissent, ut dicerent, ob abusum ipsam rem statim esse tollendam. Hac ratione enim nulla lex in Repub. Christiana ferenda esset. Quia ejus dari potest abusus. Ad tertiam *Rat. respond.* disting. inter *saltationes libidinosas & jocosas*. Illæ diaboli sunt retia: at hæ non item. At nos hic non quærimus de libidinosis, sed de jocosis saltationibus. Ad quartam *Rat.*: respond. eam veram esse de scandalo accepto, non dato. Ad quintam *Rat. respond.* committi ibi fallaciam accidentis. Non enim *per se*, sed tantum *per accidens* saltationes sunt libidinosi animi argumentum. Ad sextam & ultimam *Rat. respond.* eam itidem fallacia accidentis laborare, 2. etiam fallacia causa. Neque enim saltationes ipsæ sed earum abusus extremi periculi saltantium causa 3. à particulari procedere. Multis quidem saltationes nocumento sunt: at non omnibus. Quare memores sint Calviniani præcepti Logici *A particulari ad univ.ale non valet consequentia.*

QUAESTIO IV.

Num Magistratus infidelis aut hæreticus imperare possit Christianis;

Pontificij pro negativa afferunt Exemplum Ebud qui Regem Moabitum interfecit *Iud. 3. 22.* At Affirmandum, Nam quicumq; Magistratus à Deo, ille Christianus imperare potest. Atqui Magistratus infidelis, & hæreticus est

est à Deo. *Os. 13. Rom. 13.* expresse dicit Paulus. *Omni Magistratus est à Deo.* Jam si Magistratus infidelis & hæreticus non esset à Deo, sequeretur, quod non omnis Magistratus foret à Deo, quod tamen Paulus affirmat. Ergo Magistratus infidelis & hæreticus Christianis imperare potest. Adde quod in V. T. & sub N. T. innum. Magistratus infideles & hæretici Christianis imperarint. In V. T. imperabat *Israelitis* Cusam *Risathaim* Rex *Macedonia* *Iud. 3. 8.* *Iabin* Rex *Canaan* *Iud. 6. 1.* *Nabuchodonosor* *Ierm. 27. 6.* procius salute orare ipsos iussit Deus *Ierm. 29. 7.* Sub initium Novi Testamenti Christianis imperabant *Ethnici Magistratus*, quibus obsequium & reverentiam, tributum & victigal præstare, quin & preces pro ipso fundere Christus & Apostoli iusserunt *Mat. 22. 21. Rom. 13. 4. 1. Petr. 2. 13. 1. Tim. 2. 1. 2.* Ad exemplum in negativam partem adductum resp. I. illud nihil evincere. Siquidem factum prolatum Ebud non ad imitationem, ut alia quam plurima, in literas est redactum. Quippe factum heroicum & speciale. A facto autem heroico & speciali ad commune & universale non valet consequentia. 2. Quod Ebud interficiens *Eglonem* expressum habuerit verbum ad hanc rem perpetrandam *Iud. 3. 19. 20.* Et enim cæde peracta statim additur; Tradidit *Doming* *Moabitos* inimicos nostros in manus nostras *v. 28.* Monstrent *Pontifices* & *Iesuitæ*, si vitij sunt, tale verbum Domini de interficiendis Principibus sua opinione hæreticis, & dicemus nos, Deum tradidisse eos in ipsorum manus quod nunquam monstrabunt.

QUÆSTIO V.

An Magistratus Christianum Iudeum interficientem vitâ privare possit?

Dubitatur. Vulgo enim dici solet: *Wer einen Juden erschlägt, der thut seine Sünde.* Idque inde, quia omni studio Christianos decipere allaborant. At enim verò dubitationi solidum nullum subest fundamentum. Etenim 1. Lex divina clara *Gen 9. 6.* Quicunq; effuderit sanguinem humanum, per hominem fundatur sanguis illius. Ad imaginem quippe Dei factus est homo. 2. Accedit huc quod Magistratus non sine causa gladium gerat. Dei enim minister est, vindex in iram ei, qui male agit *Rom. 13.* At Christianus male agit Iudeum interficiendo. Ergo cum vitâ privare potest. Ad argumentum seu rationem, quæ initio dubium movebat, respond. 1. Majorem non esse simpliciter veram. Patitur enim instantiam. Siquidem subsumi potest de quibusdam Christianis, qui etiam proximum omni studio decipere student, qui tamen propterea non sunt interficiendi. 2. committitur ergo fallacia à dicto secundum quid ad dictum simpliciter. Nam non simpliciter, sed cum hac restrictione & limitatione vera est nisi lex divina prohibeat. At sic negamus minorem. 3. Hinc etiam committitur fallacia causa solvenda sola deceptio Christianorum causa interfectionis Iudei statuitur.